



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

CCLXI. Die Vorsteher der Brauergilde dotiren einen Altar in der Johanniskirche daselbst, am 23. August 1448.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

peres peregrini, qui de circueicinis partibus ad visitandum limina Apostolorum Petri et Pauli de Urbe et ad Ecclesiam beate Marie de Aquisgrani Leodiensis diocesis proficiscuntur a longo tempore citra fuerunt recepti et continuo recipiuntur et eis de vite necessariis ibidem providetur. Quare pro parte ipsorum Proconsulum et Consulium nobis fuit humiliter supplicatum, ut huiusmodi fundacionem, constructionem et dotationem auctoritate Apostolica confirmare et ipsis, quoad dictum altare hac primaria vice et quotiens vacare contigerit, aliquem idoneum Presbiterum loci ordinario presentare possint de benignitate Apostolica concedere dignemur. Nos igitur de premisis certam noticiam non habentes discretioni tue, de qua gerimus in Domino fiduciam specialem, per Apostolica scripta committimus et mandamus, quatinus si venerabilis frater noster Episcopi Caminensis ad id accedat consensus, fundacionem, constructionem ac dotationem predictas auctoritate Apostolica confirmes, dictisque Proconsulibus et Consulibus prefati Opidi qui nunc sunt et illis qui erunt pro tempore auctoritate predicta concedas, quod ius presentandi loci ordinario idoneum Presbiterum ad predictum altare hac primaria vice et subsequenter, quotiens illud vacare contigerit, ad ipsos Proconsules et Consules, qui sunt et erunt pro tempore perpetuo pertinere noscatur, Jure tamen diete Parrochialis Ecclesie et cuiuslibet alterius in omnibus semper salvo. Datum Rome, apud sanctam Mariam trans tiberim III Idus Februarii, Pontificatus nostri Anno Primo.

Nach einer alten Copie.

CCLXI. Die Vorsteher der Brauergilde dotiren einen Altar in der Johanniskirche daselbst, am 23. August 1448.

In nomine sancte et indiuidue trinitatis amen. Venerabili in Christo patri et Domino, Domino Henningho, ecclesie Caminensis electo confirmato, Dignum et rationabile est merito, ut de bonis et rebus temporalibus nobis ab altissimo donatis et concessis gratiarum acciones et seruicia gratuita reddantur viceuersa omnium bonorum largitori. Hinc est quod nos magister Franciscus Hoppe, Dominus Johannes Mechow, Presbyteri, et Hermannus Oldenborch, Mychael vos, Johannes Smed, Jacob Hudfilter, layci, prouisores vnionis seu societatis braxatorum in opido prympflow, vestre Caminensis diocesis, vna cum consensu omnium fratrum diete vnionis seu societatis ob salutem animarum omnium predecessorum de progenie dictorum magistri Francisci et Johannis, presbyterorum, necnon omnium defunctorum et inantea tumulandorum de predicta vnione seu societate braxatorum, Et ut cultus diuinus magis ac magis deinceps augeatur, iusto donacionis titulo et solempniter donamus et apponimus ad altare in ecclesia sanctorum Johannis baptiste et ewangeliste opidi prympflow, fundatum et erectum in honorem omnipotentis Dei, beate marie genitricis Domini nostri iesu Christi, Johannis ewangeliste et bartholomei apostolorum, Erasmi martiris, kathrine, margarete, dorothee, barbare et appolonie sacrarum virginum, octo talenta brandenborgensium denariorum annalium reddituum in dicto opido, duo talenta empta per me magistrum Franciscum pro centum marcis vinconensium super stubam noui opidi prympflow, quartalatum soluendorum per inhabitantem in eadem, Et quatuor talenta brandeborg.

empta per me Dominum Johannem prefatum a Coppe wlf super manso vno, quem nunc colit quidam peter Dunker, et vno medio manso, quem dictus coppe per se colit emptam pro XXX marcis et centum. Item vnum talentum brandeborgensium emptum per me a stentzcke angermunde super vno manso, quem nunc colit hans krügher pro L marcis vinconensium, quorum reddituum summa super festo sancto pasche soluitur, Et vnum talentum brandeborgensium emptum a nobis prouisoribus dicte vnionis a tyde Wlrad super vno manso, quem nunc colit heyne koyns, quod super dicto festo pasche annuatim persolui debet, octauum vero talentum expendemus quartalitim nostro de fisco vnionis, quousque Domino concedente emerimus . . . aliud talentum in recompensam. Quorum reddituum ad altare prefatum sic appositorum Juspatronatus nos prefati magister Franciscus, Dominus Johannes, presbyteri, hermannus oldenborch, mychael vos, Johannes Smed, Jacob gudfilter, prouisores prefate vnionis, primo nobis reservamus, vestre paternitati predictum Dominum Johannem Mechow, dicti altaris fundacionis nobis consortem presentibus vobis presentamus, humiliter et deuote supplicantes, quatenus eundem ad supra dictum altare confirmare et sibi regimen eiusdem conferre dignemini prout ad vestrum pastorale officium spectat faciendo. Volumus protinus concorditer nos fundatores memorati vt confirmato dicto Domino Johanne et inde eo de hoc mundo Deo dante feliciter transituro extunc immediate sepefati fundatores hermannus, mychael, iohannes, iacob vel in locum eorum legitime succedentes dicte vnionis braxatorum vnum, quem malluerint indientem (indigentem) presbyterum vel aliquem clericum alium aptum ad sacerdotii dignitatem presentabunt. Post quem extunc defunctum heredes proximiores predicti domini iohannis mechow presentabunt, quo extunc de hoc mundo sublato, quandocumque et quocienscunque vacauerit dictum altare prouisores prefate vnionis seu societatis dictorum braxatorum perpetuis temporibus presentabunt. Ille vero cui dictum altare sic dotatum cum suis redditibus in antea confertur impedimento rationali cessante bis in septimana videlicet dominicis diebus et quartis feriis et in omnibus sanctorum Johannis baptiste, ewangeliste et bartholomei, necnon aliis festiuitatibus dicte ecclesie, per se vel per alium missam celebret aut faciat celebrare sub pena duorum solidorum brandenborgensium denariorum. Alias si secus actum fuerit ipsi prouisores predictae vnionis seu societatis, qui tunc temporis fuerint, iusto titulo a beneficiato pro vice vel vicibus neglectis tocies quociens poterint talem penam condicione remota extorquere. Renunciamus eciam per presentes nos prefati fundatores magister franciscus et dominus iohannes, pro nobis et pro nostris legitimis heredibus et nos prouisores sepefati pro nostris successoribus omni iuri, actioni, impetitioni et vtilitati, quomodolibet ad proprietatem et dominium dictorum octo talentorum, quod vel que nobis vel eis de predictis redditibus compecierit vel aliquo modo competere poterint in futurum. Quare nos fundatores prefati paternitati vestre supplicamus humiliter et deuote, quatenus hos redditus octo talentorum dignemini ad prefatum altare in dicta ecclesia sanctorum Johannis baptiste et Johannis ewangeliste in Prymslow confirmare, apponere et applicare eo modo vt narratum est propter pium Deum premia largientem. Datum prympzlow, Anno Domini Millelimo Quadringentesimo Quadragesimo octauo, In vigilia bartholomei sancti apostoli, Nostris sigillis presentibus sub appensis.

Nach Beckmann's Abschrift des Originals.